

S-DU PE-TEH-GO SHŪ-SING. DI-NYI-FONG. 使徒 彼得个书信 第二封

2P. I.

Tso Yiæ-su Kyi-toh-go nu-boh teng s-du go, Si-meng Pe-teh sia sing peh keh-sing teng ah-lah dô-kô teh-djôh 'ong-eng hao siang-sing ^[1]Jing-ming, ah-lah Kyiu-cü Yiæ-su Kyi-toh-go dao-yi cü-kwu. ² Dæn-nyün ng-lah sih-teh Jing-ming teng ah-lah Cü Yiæ-su. we kô-be teh-djôh eng-we teng bing-en.

做耶稣基督个奴仆等使徒个，西门·彼得写信拨箇星等阿拉大家得着鸿恩好相信神明^[1]、阿拉救主耶稣基督个道义主顾。²但愿尔拉识得神明等阿拉主耶稣，会加倍得着恩惠等平安。

[1] 'Ôh wô, ah-lah Jing-ming teng Kyiu-cü. 或话，阿拉神明等救主。（原注）

³ Jing-ming yüong zi-go neng-ken s-peh ah-lah ih-ts'ih joh-ü weh-ming teng gyin-dzing go z-ken; s-teh ah-lah hao-hyiao-teh keh-we pô yüong-wô-go teh-ky'i dziao ah-lah læ go Cü-kwu. ⁴ Wa-yiu s-peh ah-lah hyü-to ting pao-pe-go ing-hyü, s-teh ng-lah we-leh keh-sing ing-hyü neng-keo ky'i-diao shü-dzoh-go s-yüôh, teh-djôh Jing-ming-go sing-dzing.

³ 神明用自个能干赐拨阿拉一切属于活命等虔诚个事干；使得阿拉好晓得箇位把荣华个德气召阿拉来个主顾。⁴ 还有赐拨阿拉许多顶宝贝个应许，使得尔拉为了箇星应许能够弃掉世俗个私欲，得着神明个性情。

⁵ Sô-yi yüong dzing-sing-gyih-lih ü ng-lah-go siang-sing, kô-zông tæen-liang; tæen-liang, kô-zông cü-sih; ^[1]⁶ cü-sih, kô-zông tsih-cü; tsih-cü, kô-zông jing-næ; jing-næ, kô-zông gyin-dzing; ⁷ gyin-dzing, kô-zông hyüong-di-go ts'ing-gying; hyüong-di-go ts'ing-gying, kô-zông jing-æ. ⁸ Keh-sing 'ang-we ziah læ ng-lah sing-zông we to-ky'i-læ, ziu hao tso bing-kyü ng-lah sih-teh ah-lah Cü Yiæ-su Kyi-toh tsæ-ve yiæ-dæ, tsæ-ve m-dao-dzing. ⁹ M-teh keh-sing 'ang-we cü-kwu z ziang hah-ts, feh-neng-keo dza k'en-kyin, z mông-kyi gyi zin-deo-go ze-nyih yi-kying gyiang ken-zing de. ¹⁰ Sô-yi, hyüong-di, yüong yü-kô zông-kying ky'i k'ao-jih ng-lah be dziao-læ be kæn-shün go eng-we: ng-lah z-djông tso keh-sing z-ken, tsæ-ve feh-dzing-kong. ¹¹ Z-ka tso-fah, ziu we k'æ peh ng ih-da kw'un-ts'iah-go lu, hao tseo-tsing ah-lah Kyiu-Cü Yiæ-su Kyi-toh-go üong-yün koh li-hyang ky'i.

⁵ 所以用尽心竭力于尔拉个相信，加上胆量；胆量，加上知识；⁶[1] 知识，加上节制；节制，加上忍耐；忍耐，加上虔诚；⁷ 虔诚，加上兄弟个亲近；兄弟个亲近，加上仁爱。⁸ 箇星行为若来尔拉身上会多起来，就好做凭据尔拉识得阿拉主耶稣基督再膾懈怠、再膾吮陶成。⁹ 吮得箇星行为主顾是像瞎子，弗能够咋看见，是忘记其前头个罪孽已经澆干淨了。¹⁰ 所以，兄弟，用愈加上紧去靠实尔拉被召来被拣选个恩惠。尔拉时常做箇星事干，再膾弗成功。¹¹ 是介做法，就会开拨尔一埭宽绰个路，好走进阿拉救主耶稣基督个永远国里向去。

[1] 原书此处缺编号 6

¹² Keh-go dao-li, ng-lah yin-dzæ se-jün ming-bah, kyin-kwu siang-sing, ngô yia feh-hao yia-dæ, kæ z-djông pô keh-sing z-ken di-sing ng-lah. ¹³ Ngô ts'eng-ts'eng ngô wa deng-læ keh-go tsiang-bong li-hyang z ing-kæ di-sing ng-lah, kyih-dong ng-lah: ¹⁴ ing-we hyiao-teh ngô kw'a-iao t'eh-c'ih ngô-go tsiang-bong, ziang ah-lah Cü Yiæ-su Kyi-toh yi-kying tin-hyang ngô dao. ¹⁵ Ngô yia pih-iao dzing-sing-gyih-lih, s-teh ng-lah, ngô ky'ü-shü ts'eo, neng-keo z-k'eh kyi-teh keh-sing z-ken.

¹² 箇个道理，尔拉现在虽然明白，坚固相信，我也弗好懈怠，该时常把箇星事干提醒尔拉。¹³ 我忖忖我还庵来箇个帐篷里向是应该提醒尔拉，激动尔拉。¹⁴ 因为晓得我快要脱出我个帐篷，像阿拉主耶稣基督已经点向我道。¹⁵ 我也必要尽心竭力，使得尔拉，我去世之后，能够时刻记得箇星事干。

¹⁶ Ah-lah yi-kying t'ong-cü ng ah-lah Cü Yiæ-su Kyi-toh tsih-công gyün-ping tsæ læ-go z-ken, bing-feh-z yüong kwæ-ky'iao nyiah-zao-go shih-wô, z ts'ing-ngæn k'en-kyin Gyi-go ŵe-nyin; ¹⁷ ziu-z dzong keh kwông-ming-go yüong-wô li-hyang yiu ka ih-go sing-ing teng Gyi wô, “Keh z Ngô ts'ing-æ-go Ng-ts, Ngô ting teh-i go” [Mt. 17. 5]: keh-go z-'eo T'in-Vu Jing-ming s-peh Gyi t'i-min teng yüong-wô. ¹⁸ Keh dzong t'in læ go sing-ing, ah-lah z teng Gyi dô-kô læ keh-zo sing-jün sæn-zông cü-kwu tu t'ing-meng go.

¹⁶ 阿拉已经通知尔阿拉主耶稣基督执掌权柄再来个事干，并非是用乖巧捏造个说话，是亲眼看见其个威严。¹⁷ 就是从箇光明个荣华里向有介一个声音等其话，「箇是我亲爱个儿子，我顶得意个。」[Mt. 17. 5] 箇个时候天父神明赐拨其体面等荣华。¹⁸ 箇从天来个声音，阿拉是等其大家来箇座圣善山上主顾都听闻个。

¹⁹ Hwông-ts'ia ah-lah yiu sin-cü-nying-go shih-wô hao tso keng-kô ky'üoh-jih-go bing-kyü: gyi k'o-pi ih-kwun liang tin læ heh-en-go u-sen. Ng-lah k'eng kwu-djôh gyi, dzih-tao t'in-liang ng-kang-hyiao c'ih-ky'i tsiao-djôh ng-lah sing go

z-'eo, z ng-go ih-c'ü. ²⁰ Dæn-z di-ih, yüong ts'eng-ding-tông, væn-pah sin-cü-nying-go shih-wô tu m-yiu gyi-zi-go i-s læ-tih. ²¹ Sin-cü-nying-go shih-wô dzong m̃-teh c'ih-ü nying-go cü-i; tu z Jing-ming-go sing-jün nying be Sing-Ling ken-dong sô kông go.

¹⁹ 况且阿拉有先知人个说话好做更加确实个凭据。其可比一管亮点来黑暗个乌碎。尔拉肯顾着其，直到天亮五更晓出去照着尔拉心个时候，是尔个益处。²⁰ 但是第一，用忖停当，凡百先知人个说话都既有其自个意思来的。²¹ 先知人个说话从既得出于人个主意；都是神明个圣善人被圣灵感动所讲个。

2P. II.

Tsih-z dzong-zin læ pah-sing-go cong-nyiang yiu kô sin-cü-nying; z-ka tsiang-læ ng-lah-go cong-nyiang yia pih-ding yiu kô-dao-nying. Gyi-lah we s-'ô ts'æn-tsing mih-vông-go zia-kyiao, zing-ts-ü feh tsiao-jing keh-we c'ü-joh gyi-lah go Cü; z-ka s-teh gyi-zi-go mih-vông soh-soh ziu tao. ² Yiu hyü-to nying yia-we keng-leh gyi tso 'ô-tsôh peh-k'æn-go z-ken, s-teh nying-kô we-leh gyi pông-hwe tsing dao-li. ³ Gyi-lah dzeng t'en-sing, kông hong-p'in shih-wô pô ng-lah tông sang-i-kying tso. Gyi-lah tsao-yi ding-kæn-go ying-vah feh-we tænkoh; gyi-lah mih-vông-go nyih-ts yia feh-we kw'eng-joh.

只是从前来百姓个中央有假先知人；是介将来尔拉个中央也必定有假道人。其拉会私下掺进灭亡个邪教，甚至于弗招认箇位取赎其拉个主；是介使得其自个灭亡速速就到。² 有许多人也会跟勒其做下作不堪个事干，使得人家为了其谤毁真道理。³ 其拉存贪心，讲哄骗说话把尔拉当生意经做。其拉早已定间个刑罚弗会耽搁；其拉灭亡个日子也弗会困熟。

⁴ Jing-ming kyi-jün feh kw'un-shü keh-sing væn-ze-go t'in-s, ziu vah gyi lôh di-nyüoh, pô heh-en tông lin-diao kwun-siu gyi tao sing-p'un-go nyih-ts; ⁵ yi feh kw'un-shü zông-kwu-ts-shü, kông-lôh 'ong-shü djü-mih keh hyüong-ôh-go shü-dæ, tsih liu-c'ih djün dao-yi go Nô-üô keh-kô pah-go nying; ⁶ yi hwe-diao Sô-to-mô Ngo-mo-lah-go dzing-ts, djong-djong ying-vah gyi, hao tso pông-yiang kying-kyiæ tsiang-læ-go ôh-nying; ⁷ tsih kyi-c'ih kong-yi-go Lo-teh, ziu-z z-djông iu-meng keh-sing ôh-nying 'ô-tsôh 'ang-we go cü-kwu. ⁸ Keh-go kong-yi nying wa deng-læ gyi-lah cong-nyiang, nyih-nyih k'en-kyin t'ing-meng gyi-lah wang-ying peh-fah go 'ang-we, gyi kong-yi-go sing feh-cü dza næn-ko. ⁹ K'o-kyin Cü z hyiao-teh dza-go

hao pao-wu gyin-dzing cü-kwu t'eh-c'ih mi-'ôh, dza-go hao kwun-siu feh-kong-yi cü-kwu teng-tao sing-p'un nyih-ts ziu ying-vah.

⁴ 神明既然弗宽恕箇星犯罪个天使，就罚其落地狱，把黑暗当链条管守其到审判个日子；⁵ 又弗宽恕上古之世，降落洪水除灭箇凶恶个世代，只留出传道义个挪亚箇家八个人；⁶ 又毁掉所多玛、蛾摩拉个城子，重重刑罚其，好做榜样警戒将来个恶人；⁷ 只救出公义个罗得，就是时常忧闷箇星恶人下作行为个主顾。⁸ 箇个公义人还庵来其拉中央，日日看见听闻其拉横行不法个行为，其公义个心弗知咋难过。⁹ 可见主是晓得咋个好保护虔诚主顾脱出迷惑，咋个好管守弗公义主顾等到审判日子受刑罚。

¹⁰ Hwông-ts'ia keh-sing i-dzong nyüoh-sing ao-tsao-go s-yüôh, miao-z wông-fah go cü-kwu ma? Gyi-lah z yüong-gyang, 'eo-zi, lin pông-hwe kwun-tsiang tu feh-p'ô. ¹¹ Ziu-z t'in-s, lih-liang neng-ken pi gyi keng-kô do, yia feh-ken læ Cü-go min-zin kông pông-hwe-go shih-wô kao gyi. ¹² Dæn-z keh-sing nying, tsing-ziang sang-dzing m-li-sing-go yia-siu, deh-we sang-c'ih-læ peh nying k'ô-læ sah-diao go, læ-tih pông-hwe zi sô feh hyiao-teh go z-ken; ziu iao teh-djôh ôh-nyih-go pao-ing; læ zi-go doh-sing li-hyang mih-diao; ¹³ gyi-lah ts'ing-do-bah-nyih hwun-hyi ky'üoh-tsiu tsôh-lôh. Teng ng-lah dong-zih go z-'eo, z læ-tih ziah zi kæn-tsô-go mi-dao, jih-dzæ z-go tsih-le, z-go pæn-pô. ¹⁴ Gyi-lah mun-ngæn tu z ^[1]kæn-ying; væn-ze z ih-ngæn hyih-feh-læ; djông-djông hong-p'in sing feh-kyin go cü-kwu, lôh gyi ky'ün-t'ao. Tsô dong-din go fông-fah, gyi-lah yi-kying tang-mo-joh; jih-dzæ z-go ih-pæn k'o-u-go cong-tông. ¹⁵ Gyi-lah li-k'æ dzih-lu, wæn-cün ts'ô-lu, keng-leh P'o-shoh-go ng-ts Pô-læn ka tseo; ¹⁶ keh Pô-læn t'en fi-yi-ts-dzæ, ziu we-leh gyi feh 'eh-li go z-ken be tsah-vah; yiu ih-tsah ô-k'eo-go cong-sang we kông nying-go shih-wô kying-djü keh sin-cü-nying-go gwông-vông.

¹⁰ 况且箇星依从肉身麤糟个私欲，藐视王法个主顾吗？其拉是用强，候自，连谤毁官长都弗怕。¹¹ 就是天使，力量能干比其更加大，也弗敢来主个面前讲谤毁个说话告其。¹² 但是箇星人，正像生成旣理性个野兽，特为生出来拨人掬来杀掉个，来的谤毁自所弗晓得个事干；就要得着恶业个报应；来自个毒心里向灭掉。¹³ 其拉清大白日欢喜吃酒作乐。等尔拉同席个时候，是来的嚼自奸诈个味道，实在是个渍沫、是个癍疤。¹⁴ 其拉满眼都是奸淫^[1]；犯罪是一眼歇弗来；常常哄骗心弗坚个主顾，落其圈套。诈铜钿个方法，其拉已经打磨熟；实在是个一班可恶个种党。¹⁵ 其拉离开直路，弯转岔路，跟勒破朔个儿子巴兰介走；¹⁶ 箇巴兰贪非义之财，就为了其弗合理个事干被责罚；有一只哑口个众生会讲人个说话禁住箇先知人个狂妄。

[1] 'Oh wô, ying-vu. 或话, 淫妇。(原注)

¹⁷ Gyi-lah z m-shü-go tsing; gwông-fong kyih-sæn-go yüing; yiu moh-ts'eh-di-en-go u-sen teng-gyi-kæn, üong-yün peh gyi deng. ¹⁸ Gyi-lah kông c'ih-kah-go do-wô, tseo nyüoh-sing s-yüôh-go c'ü, ziu ying-yiu keh-sing kông-kông t'eh-c'ih zia-lu go cü-kwu, tih-lôh gyi ky'ün-t'ao. ¹⁹ Gyi-lah ing-hyü nying-kô tso sih-fông-go nying, zi fæn-cün tso ze-ôh-go nu-boh; ing-we ih-go nying be jü sô cü-voh, ziu-z jü-go nu-boh.

¹⁷ 其拉是吮水个井; 狂风击散个云; 有墨漆地暗个乌碎等其间, 永远拨其庵。¹⁸ 其拉讲出格个大话, 走肉身私欲个处, 就引诱箇星刚刚脱出邪路个主顾, 跌落其圈套。¹⁹ 其拉应许人家做释放个人, 自反转做罪恶个奴仆; 因为一个人被谁所制服, 就是谁个奴仆。

²⁰ Ziah-yiu nying sih-teh Kyiu-Cü Yia-su Kyi-toh yi-kying t'eh-c'ih shü-dzoh-go ǝe-u, 'eo-deo tsæ be gyi sô dzin-ziao, sô cü-voh, gyi-lah kwe-keng pi zin-deo keng-kô li-'æ. ²¹ Ing-we sô djün-ziu gyi, keh sing-jün-go dao-li, ziah-z sih-teh ts-'eo we-be gyi, wa feh jü feh sih-teh keh-da dao-yi-go lu. ²² Ziu ziang ^[1]dzoh-yin wô, "Wun-kyi cün-ky'i ky'üoh zi t'u-c'ih-go tong-si"; wa-yiu, "Gyang ken-zing go nyi-cü yi ky'i nyin-læ nyi-den li,"—— tsing-tsing z ing-djôh keh-sing nying.

²⁰ 若有人识得救主耶稣基督已经脱出世俗个秽污, 后头再被其所缠扰、所制服, 其拉归根比前头更加厉害。²¹ 因为所传授其, 箇圣善个道理, 若是识得之后违背其, 还弗如弗识得箇埭道义个路。²² 就像俗言^[1]话, 「黄狗转去吃自吐出个东西;」 还有, 「浣干净个泥猪又去碾来泥潭里,」 ——真正是应着箇星人。

[1] 'Oh wô, tseng-yin. 或话, 箴言。(原注)

2P. III.

Ts'ing-æ-go hyüong-di, ngô næn-kæn sia keh di-nyi fong sing peh ng-lah, iao di-sing ng, kyih-dong ng ts'ing-kyih-go sing; ² s-teh ng hao ts'eng-tao keh-sing sing-jün sin-cü-nying yü-sin kông-go shih-wô, teng ah-lah tso Kyiu-Cü-go s-du keh-go dao-li. ³ Di-ih iao-kying, yüong ts'eng-leh ding-tông, kyih-sah-go z-shü pih-ding yiu ky'ing-cü-boh-zih i zi-go s-yüôh ka tso go cü-kwu, iao wô, ⁴ Gyi tsæ læ go keh-sing ing-hyü z 'ah-li ni? dzong tsu-tsong kw'eng-joh ts-'eo, væn-veh dzing-gyiu ziang t'in-di k'æ-bih-go z-tsin ih-ying-go. ⁵ Gyi-lah deh-we feh-ky'i ts'eng tông-

ts'u-ts, tsiao Jing-ming-go feng fu, ziu yiu t'in teng di, yiu-sing z lu-c'ih shü-go min-teng, yiu-sing z dzæ-ü shü-go cong-nyiang: ⁶ *we-leh ka*, keh z-'eo-go shü-ka be shü meh-zông mih-diao. ⁷ Ziah-z yin-dzæ-go t'in-di, yia tsiao Gyi-go feng-fu liu-lôh tong, teng-tao sing-p'un ôh-nying mih-vông go nyih-ts, peh ho me-diao.

亲爱个兄弟，我难间写箇第二封信拨尔拉，要提醒尔，激动尔清洁个心；² 使得尔好忖到箇星圣善先知人预先讲个说话，等阿拉做救主个使徒箇个道理。³ 第一要紧，用忖勒停当，结煞个时世必定有轻嘴薄舌依自个私欲介做个主顾，要话，⁴ 其再来个箇星应许是何里呢？从祖宗困熟之后，万物仍旧像天地开辟个时节一样个。⁵ 其拉特为弗去忖当初子，照神明个吩咐，就有天等地，有星是露出水个面顶，有星是在于水个中央。⁶ 为了介，箇时候个世界被水没上灭掉。⁷ 若是现在个天地，也照其个吩咐留落东，等到审判恶人灭亡个日子，拨火焐掉。

⁸ Ts'ing-æ-go hyüong-di, keh-nyiang z-t'i ng-lah feh-k'o feh-hyiao-teh; dziu Cü k'en-læ, ih-nyih tsing-ziang ih-ts'in nyin, ih-ts'in nyin tsing-ziang ih-nyih. ⁹ Cü-go ing-hyü tsæ-ve dzi-wun, ziang yiu-sing nying sön Gyi z dzi-wun ka; Gyi jih-dzæ z kw'un-shü ah-lah, feh-iao yiu nying mih-vông," z iao long-tsong tu we-sing-cün-i.

⁸ 亲爱个兄弟，箇样事体尔拉弗可弗晓得。就主看来，一日正像一千年，一千年正像一日。⁹ 主个应许再贍迟缓，像有星人算其是迟缓介。其实是在是宽恕阿拉，弗要有人灭亡，是要拢总都回心转意。

¹⁰ Cü-go nyih-ts pih-ding ziang yia-li-go zeh ka læ; keh-nyih t'in yiu do-do sing-hyang we ko-ky'i: ng-ying be mang-ho we yang-diao; di teng di-zông-go tong-si tu we me-diao. ¹¹ Keh-sing tong-si kyi-jün tu iao hwô-diao, ng-lah tso-nying tông-kæ dza-nyiang ts'ing-kyih, dza-nyiang gyin-dzing; ¹² hyüih-sing læ-tih [1]siang-vông ky'i-mo Jing-ming-go nyih-ts hyin-c'ih-læ, ziu-z t'in be ho hwô-diao, ng-ying be ho yang-diao keh-nyih. ¹³ Ah-lah tsiao Gyi-go ing-hyü z siang-vông ts'oh-sing-go t'in, ts'oh-sing-go di, dao-yi sô deng-go di-fông. ¹⁴ Sô-yi, ts'ing-æ-go hyüong-di, kyi-jün siang-vông keh-sing z-ken, yüong zông-kying tso m yüô-tin m p'i-bing go nying, hao en-en-sing-sing ky'i kyin Cü. ¹⁵ Yia kæ ts'eng-tao ah-lah Cü-go kw'un-shü z we-leh kyi-go i-s; ziang ah-lah ts'ing-æ-go hyüong-di Pao-lo, tsiao sô s-peh gyi go ts'ong-ming yi-kying sia sing peh ng-lah. ¹⁶ Gyi long-tsong-go shü-sing li tu yiu-kông keh-sing z-ken; nen-cong yiu-sing shih-wô næn-yi ming-bah; keh-sing m̃-teh 'ôh-we, sing feh-kyin go cü-kwu min-ky'iang ka-shih gyi; yia ziang yü-to-go Sing-shü ka; z long-c'ih zi-go 'o-se læ. ¹⁷ Keh-lah, ts'ing-æ-go hyüong-di, ng-lah kyi-jün yü-sin hyiao-teh, yüong tso-gyi, sæn-leh be ôh-nying-go ts'oh-ngwu

sô ying-yiu, shih-diao zi-go pô-oh. ¹⁸ Wa-yiu yüong kô-ts'eo ah-lah Kyiu-Cü Yiæ-su Kyi-toh-go eng-we teng cü-sih. Dæn-nyün yüong-wô dzong yin-dzæ ih-dzih tao m gyüong-dzing go shü-dæ tu kwe-peh Gyi. Üô-meng.

¹⁰ 主个日子必定像夜里个贼介来。箇日天有大大声响会过去；五行被猛火会炆掉；地等地上个东西都会焠掉。¹¹ 箇星东西既然都要化掉，尔拉做人当该咋样清洁，咋样虔诚；¹² 血心来的想望^[1]企慕神明个日子显出来，就是天被火化掉，五行被火炆掉箇日。¹³ 阿拉照其个应许是想望簇新个天，簇新个地，道义所庇个地方。¹⁴ 所以，亲爱个兄弟，既然想望箇星事干，用上紧做旣瑕点、旣批评个人，好安安心心去见主。¹⁵ 也该忖到阿拉主个宽恕是为了救个意思；像阿拉亲爱个兄弟保罗，照所赐拨其个聪明已经写信拨尔拉。¹⁶ 其拢总个书信里都有讲箇星事干；内中有星说话难以明白；箇星旣得学会、心弗坚个主顾勉强解说其；也像余多个圣书介；是弄出自个祸祟来。¹⁷ 箇拉，亲爱个兄弟，尔拉既然预先晓得，用做忌，省勒被恶人个错误所引诱，失掉自个把握。¹⁸ 还有用加凑阿拉救主耶稣基督个恩惠等知识。但愿荣华从现在一直到旣穷尽个世代都归拨其。亚们。

[1] 此处原书错印为 siang-vong